

21. august 2015

Inatsisartut suleriaasianni § 36 naapertorlungu apeqquteqaat aallaavigalungu oqallisissiaq imaattoq matumuuna saqqummiuppara:

Suliffissaqartitsineq aalisarnermillu inuussutissarsiuteqarneq patajaallisarniarlugit qanoq iliorluta suliffissuit puttasut tunitsiviullutillu tunisassiorfiusut siuarsarnissaat pillugu apeqquteqaat aallaavigalugu oqallinnissamik siunnersuut.

(Inatsisartuni ilaasortaqa Jens Immanuelson, Siumut)

Ukiuni makkunani aalisarnermi nunami tunitsiveqartitsineq periarfissaatipparput, tamanna ajungi-lluinnarpoq aamma inoqarfinnut pigaarutilerujussuuvoq nunami tunitsiveqartitsineq ukiuni arlalinngortuni ajornartorsiutaasartut oqallisigiuarparvut, tusartuarlugillu suliffissuit pingaartumik aalitsa-tileruttorfiup nalaani ulikkaartoorlutik matusut, tamatigut eqqaaqqaartagarput amerlanertigut tassa qaqugu allilerisoqassava? Tamatigulli taamatut eqqarsartilluta immaqa eqqarsaatigivallaarneq aju-garput tassaasarpog; allilerisoqassappat sumiiffinni innaallagissiorfiit imeqarfiillu tamanna nam-massallugu sapinginneraat. Allilerisoqassappallu tamanna tulleriaarinikkut anigaasarnersorneqar-tarpoq taamaattumik isumaga malillugu aqut siviisualaarpoq.

Aamma nunatta ilaani suli atuuppoq, aalisarnermi avammut tunillugit akigissaartinneqarnerusut, assersuutigalugu qalerallit kisiinnarmik tuniorarneqarsinnaasarlutik qerititsivitsigut pingaartumik naamangitsumik toqqorsiveqarneq pissutaalluni. Toqqorsivitsigullu allilerisoqassappat innaalla-gissamut annerusumik sumiiffinni pingaartumik nunaqarfinni allilerisoqartariaqartassalluni.

Apeqqutaalissaaq qaqugu tamanna pisinnaanersoq, aningaasammi ineriartortitsinermi amigaatigaa-vut, suliffissuarnik piginnittut soqutiginnikkaluarpataluuniit allilerinissamut inuiaqatigiit pisussaaf-fii aningaasalerneqarsinnaanngippata piumagaluaruttaluuniit utaqqilussinnassaagut, allatut oqaatiga-lugu ineriartornerusinnaanermut annoraaq tattulersimavarput akissaqannginnattalu allilersinnaa-nngilarput. Tamakku isumaqarpunga sukkanerusumik aaqqiissutissarsiorsinnaasariaqaripput, aam-ma atorluannissamik siunertaqartumik aalisakkat qaqinneqartut tunisassiarinngisavullu ilanngullu-git aningaasarsiutinngortittariaqaratsigit.

Pingortitap pissusaa allangoriartorpoq, imartarput suli annertoorsuaq atornatigulu misiligarneqa-nngilaq, aalisakkatigut sunik qanorlu annertutigisunik isertugaateqarnerusooq ilisimaqqissaanngilar-put, ullumikkut talitta inunngisaa kisiat isigalugulusooq periarfissat atorniarsaraavut ineriartortitsi-nerusinnaanermullu immitsinnut naallerarpugut.

Suliffissuit puttasut aporfilersuinani atugaalertariaqarput, ilami eqqarsaatigigutsigu nikissinnaasunik suliffissuit pioreersut tapertaqarsinnaanerat aqutissiukuttigu, taava aalisarnermi atorluannngisavut aningaasarsiutingortissavavut.

Suliffissuillu puttasut aqutissiutissagutsigit aporfeeqqat ajornartorsiutaasartut aaqqinniarlugit suli suliaasaqarpoq sinaakkusersugassanik.

Assersuutigalungu; suliffissuit puttasut nunanit allanit attartorneqassappata nunatta erfalasuani erfalasoqqaartussaanerit piffissamik atuiffiusumik suliarineqartarpoq, naak pisariinnerusumik aqutissiuunneqarsinnaagaluartoq, assersuutigalugu, qaammatit aalajangersimasut minnerpaamik nunatsinniissagunik allatut aqutissiuunneqarsinnaagaluarput. Siunertaasoq atuilluarnissamik aningaasarsiornermilu sunniutigisassaat nalilersuutaanerullutik aqqissuullugit aqutissiuunneqarsinnaagaluartut. Isumaqarpunga immitsinnut naallerartumik aqqissuussinerit allangortittariaqarivut, eqaatsumik aningaasarsiornermullu iluaqutaasussat aporfilersornagit aqqissuussinerit tikittariaqaleratsigit.

Nunatsinni pingaartumik qaleralinniarnermi misilittakkat malillugit umiarsualiisoqaraangat suliffissat pilersinneqartarput, nunami suliffissuarni allaat misilittagarineqanngitsut nerpik papeqqut niaqqullu immikkut tunisassiannorlugit minnerunngitsumik nikissinnaanertik pissutigalugu immikkut assartuinerit pinnagit, umiarsualiviit qaninnerit atorlugit tunisassiatik ingerlaannartumik nassiussorsinnaasarlugit. Namminersorerup eqqunneqarnerani Naalagaaffiup tapiissutai qaffariarsinnaajunnaarlugit isumaqatigiissutaapput, tamanna ajunngilaq annerusumik piginnaatitaaffeqalernissaq kissaatigigatsigu. Kisianni, suut tamaasa aningaasalersussagutsigit, eqaatsumik periarfissanik aningaasarsiornermi aqutissiuinnaasunik eqqarsarnissarput pisariaqartoq isumaqarama, suliffissuit puttasut immikkut qinnuteqaqattaanngikkaluarluni periarfissaalernissaat aqutissiuunnissaa siunertaralugu oqallisissiaq manna saqqummiuppara.

Namineq pingaartitaraara isummersoraangama oqalliserusaaginnarneq killeqartariaqartoq, taamaattumik neriuutigaara oqallisissiaara paasinarsititsiumaartoq qaqugu suliffissuit puttasut nunatsinni periarfissaalerumaarnerannik, tamannami pingaaruteqarmat inuussutissarsiutit pingaarnersaanik ingerlatsisunut minnerunngitsumillu tunisassiornermik ingerlatsisut eqqarsaatigalugit.

Inatsisartut oqaaseqaatissaattut siunnersuut:

Apeqquteqaat aallaavigalugu oqallinnermiit Inatsisartut oqaaseqaatissaattut imaattumik siunnersuuteqarpunga:

“Inatsisartut Naalakkersuisunut kaammattuutigaat, suliffissuit puttasut aalisakkanik tunitsiviullutik suliarinnittarfiusut atorneqarlualernissaat siuarsaqqullugu, taamaaliornikkut suliffissaqartitsiniarneq aammalu aalisakkanit inuussutissarsiuteqarneq siunertaqarluartumik ineriartorsinnaaqqullugit”.